

## Ի ՏԷՐ ՆԱՆԳԵԱՒ Տ. ԱՐՍԷՆ ԱՐՔԵՊԻՍԿՈՊՈՍ ԲԵՐԲԵՐՅԱՆԸ

Նոյեմբերի 16-ի առավոտյան կյանքի 76-րդ տարում վախճանվեց Մայր Աթոռ Սուրբ Էջմիածնի երիցագույն միաբաններից Գերաշնորհ Տ. Արսեն արքեպիսկոպոս Բերբերյանը:

Բազմավաստակ Սրբազան Հոր վախճանը մեծ կորուստ է Հայաստանյայց Առաքելական Սուրբ Եկեղեցու և նրա հավաքավոր զավակների համար:

Ն.Ս.Օ.Տ.Տ Գարեգին Բ. Ծայրագույն Պապրիարք և Ամենայն Հայոց Կաթողիկոսը, Գերազույն հոգևոր խորհուրդն ու Հայ Եկեղեցու ողջ հոգևորականաց դասը սգում են բարեհիշատակ Սրբազան Հոր մահը:

Նոյեմբերի 19-ին Մայր Աթոռ Ս. Էջմիածնի միաբանական գերեզմանատարանը տեղի ունեցավ Մայր Աթոռ Սուրբ Էջմիածնի երիցագույն միաբաններից մեկի՝ Գերաշնորհ Տ. Արսեն արքեպիսկոպոս Բերբերյանի հուղարկավորության արարողությունը:

Վաղ առավոտյան Ս. Գայանե վանքում մատուցվեց Ս. Պատարագ: Պատարագիչն էր Մայր Աթոռի Միջեկեղեցական հարաբերությունների բաժնի տնօրեն, Արթիկի թեմի առաջնորդ Տ. Հովակիմ եպիսկոպոս Մանուկյանը: Սրբազան արարողության ընթացքում հանգուցյալ Տ. Արսեն արքեպիսկոպոս Բերբերյանի աճյունը դրվեց Ս. Խորանի առջև և կատարվեց Սրբազան Հոր վերջին օծման կարգը: Սրբալույս մյուռոնով օծվեցին Արսեն Սրբազանի ճակատը և աջ ձեռքը: Այնուհետև՝ Ողջույնի ժամանակ, Մայր Աթոռի միաբանները մոտեցան և Արսեն Սրբազանից սրացան վերջին ողջույնը:

Դամբանական խոսք ասաց պատարագիչ Հովակիմ Սրբազանը: Նա անդրադարձավ հանգուցյալ Սրբազանի կյանքին և գործունեությանը՝ նշելով, որ Սրբազան Հայրը տասնամյակներ շարունակ անձնուրաց կերպով ծառայեց Հայ Եկեղեցուն՝ իր նկատելի ներդրումն ունենալով մասնավորաբար հայ եկեղեցական երաժշտության բնագավառում, ինչպես նաև՝ հովվական ու հասարակական մի շարք այլ ոլորտներում: Այսպես Հովակիմ Սրբազանն իր խոսքում ավելացրեց, որ Արսեն արքեպիսկոպոս Բերբերյանը, աստվածային նախախնամության առաջնորդությամբ ծառայելով Հայ Եկեղեցու ամենից ծանր՝ խորհրդային կարգերի ժամանակ, կարողացավ իր անկտրում հավաքել շնորհիվ լավ օրինակ հանդիսանալ բազում հոգևորականների համար: Խոսքի վերջում Հովակիմ եպիսկոպոս Մանուկյանը Սրբազան Հոր վախճանի կապակցությամբ Հայ Եկեղեցու հոգևորականաց դասի և բարեպաշտ հավաքացյալների անունից իր ցավակցությունը հայտնեց Ամենայն Հայոց Գարեգին Բ. Հայրապետին և երջանկահիշատակ Արսեն Սրբազանի հարազատներին:

Իսկ Ս. Պատարագի ավարտին, նախագահությամբ Ոսկրախնայի հայոց թեմի առաջնորդ Տ. Գրիգորիս արքեպիսկոպոս Բունիաթյանի, կատարվեց հանգուցյալ Սրբազանի թաղման կարգը: Տ. Արսեն արքեպիսկոպոս Բերբերյանի աճյունն ամփոփվեց Մայր Աթոռ Ս. Էջմիածնի միաբանական գերեզմանատարանը:

Հուղարկավորությանը մասնակցում էին Հայ Առաքելական Եկեղեցու թեմակալ առաջնորդներ, Մայր Աթոռի միաբաններ, փարբեր թեմերի հոգևոր սպասավորներ, հավաքացյալներ, ինչպես նաև Սրբազան Հոր մոտերիմները և հարազատները:

Ֆիշտական արդարոյն օրհնութեամբ եղիցի:

## ԿԵՆՍԱԳՐՈՒԹՅՈՒՆ



Տ. Արսենյան արքեպիսկոպոս Բերբերյանը (ավագանի անունով՝ Պերրոս) ծնվել է 1937 թ. հոկտեմբերի 26-ին Եգիպտոսի Ալեքսանդրիա քաղաքում:

Նախնական կրթությունը ստացել է տեղի հայկազյան վարժարանում:

1947 թ. ընդունվել է հետ ներգաղթել է հայաստան և հաստատվել Գյումրի քաղաքում:

1955-1960 թթ. սովորել է Ս. Էջմիածնի հոգևոր ճեմարանում և ավարտաճառ գրել

Կոմիտաս վարդապետի հոգևոր անդիպ երգերի վերաբերյալ:

1960-1962 թթ. հետևել է Զագորսկի հոգևոր ակադեմիայի դասընթացներին:

1962 թ. ձեռնադրվել է կուսակրոն քահանա և վերանվանվել Արսեն:

1963 թ. պաշտպանել է վարդապետական թեզ՝ «Ս. Ներսես Շնորհալու տաղերի եղանակները» թեմայով:

1967-1968 թթ. ուսանել է Ժնևի Եկեղեցիների համաշխարհային Խորհրդի ինստիտուտում:

1968-1973 թթ. եղել է Լոնդոնի Արքայական քոլեջի ասպիրանտ, որն ավարտելով պաշտպանել է թեզ «Հայ ժողովրդի հարաբերությունները Անգլիկան եկեղեցու հետ 1850-1905 թթ.» թեմայով և ստացել փիլիսոփայության դոկտորի աստիճան: Նույն շրջանում սովորել է Լոնդոնի Արքայական երաժշտական ակադեմիայում, կատարել համայնքի հոգևոր հովվի պաշտոնը:

1973 թ. վերադառնալով Մայր Աթոռ՝ ստացել է ծայրագույն վարդապետի աստիճան, ապա 6 ամիս անց՝ նույն թվականի հոկտեմբերին Ն.Ս.Օ.Տ.Տ. Վազգեն Ա. Ամենայն հայոց Կաթողիկոսի ձեռամբ ձեռնադրվել է եպիսկոպոս:

1973-1982 թթ. վարել է Ս. Էջմիածնի Միջազգային հարաբերությունների բաժնի վարիչի և դիվանապետի պաշտոնը:

1982-1985 թթ. եղել է Երևանի Արարապյան թեմի առաջնորդական փոխառնորդ:

1985-1988 թթ. եղել է Շվեդիայի հոգևոր հովիվ:

1990-1996 թթ. եղել է Գուգարքի թեմի առաջնորդ:

1992 թ. ստացել է արքեպիսկոպոսի տիտղոս:

1996-1998 թթ. իր ծառայությունն է բերել ԱՄՆ հայոց Արևմտյան թեմում: 2010 թ. նշանակվել է Ամենայն հայոց Կաթողիկոսի ներկայացուցիչ հայաստանյան թեմերում և փոխառաջնորդություններում:

Տ. Արսենյան արքեպիսկոպոս Բերբերյանը եղել է Գերագույն հոգևոր Խորհրդի անդամ, Եկեղեցիների համաշխարհային Խորհրդի Կենտրոնական Կոմիտեի անդամ, Շվեդիայի եկեղեցիների Էկոմենիկ Խորհրդի նախագահ, մասնակցել է միջազգային բազմաթիվ ժողովների: Արսենյան Սրբազանը հեղինակ է բազմաթիվ ուսումնասիրությունների, պատմական ու երաժշտական դասագրքերի, հրապարակախոսական հոդվածների և այլ աշխատությունների, հոգևոր երգերի ու շարականների ձայնապնակների ու ձայնագրությունների: